

西
周
史
徵
五

西周史徵卷三十

世家第一

吳太伯

吳太伯太伯弟仲雍皆周太王之子而王季歷之昆也季

歷賢而有聖子昌太王欲立季歷以及昌於是太伯仲雍

二人乃奔荆蠻文身斷髮示不可用以避季歷以上史記吳太伯世家文案哀七年左氏

傳疏云漢書地理志越人文身斷髮以避蛟龍之害然則文身斷髮自辟害耳史記以為示不可用二人亡去遠適荆蠻周人不知其處何須示不可用馬遷謬也然太伯君吳非必下同於庶民常在水中有何蛟龍之害乎且後日

猶赴太王之喪季歷必讓之故先如此示不可用太王薨太伯仲雍歸赴喪季歷以國讓堅不

受吳越春秋吳太伯傳云古公卒太伯仲雍歸赴喪韓詩外傳卷十云太王亶甫有子曰太伯仲雍季歷歷有子曰昌太王賢昌而欲季為後也太伯去之吳太王將死謂曰我死汝往讓兩兄彼即不來汝有義而安太王薨

季之吳告伯仲伯從季而歸羣臣欲伯之立季季又讓伯謂仲曰今羣臣欲我立季季又讓何以處之仲曰刑有所謂矣要於扶微者可以立季季遂立而養文王文王果受命而王又梁玉繩史記志疑卷十七引黃氏日鈔引王

充論衡四諱篇云太伯知太王欲立王季入吳采藥斷髮文身以隨吳俗太王薨太伯還王季再讓太伯不聽三讓曰吾之吳越吳越之俗斷髮文身吾刑餘之人不可以為宗廟社稷主王季始知其不可而受之案今論衡四諱篇

無此文不知黃氏所據何本 畢還荆蠻國民君而事之自號為句吳吳人或問

何像像疑當作據而為句吳太伯曰吾以伯長居國絕嗣者也其

當有封者吳仲也即虞仲吳古虞字如詩周頌不吳不敷史記武帝本紀引作不虞不贅又僖五年左氏傳虞仲即此吳仲也故自號句

吳非其方乎荆蠻義之從而歸之者千有餘家共立以為

句吳數年之間民人殷富遭殷之末世衰中國侯王數用

兵恐及於荆蠻故太伯起城周三里二百步外郭三百餘

在里西北隅名曰故吳人民皆耕田其中以上吳越春秋吳太伯傳文史記吳太伯世家云太伯之奔荆

蠻自號句吳荆蠻義之從而歸之千餘家立為吳太伯與此意略同太伯卒無子弟仲雍立是為吳仲雍仲

雍卒子季簡立季簡卒子叔達立叔達卒子周章立以上史記吳太伯世

家文吳越春秋吳太伯傳略同是時周武王克殷求太伯仲雍之後得周章周章

已君吳因而封之乃封周章弟虞仲於周之北故夏虛是

為虞仲列為諸侯以上史記吳太伯世家夏虛集解徐廣曰在河東太陽縣案在今山西平陸縣東北索隱左傳曰太伯虞仲太王之昭則虞仲是太王之子必也又論語稱

虞仲夷逸隱居放言是仲雍稱虞仲今周章之弟亦稱虞仲者蓋周章之弟字仲始封於虞故曰虞仲則仲雍本字仲而為吳之始祖故後代亦稱虞仲所以祖與孫同號也周穆王時王

嘗適虞舍於太廟册命師酉而歸穆天子傳已丑天子南登于薄山窈輪之禮乃宿于虞師酉敦云唯王元年正月王在吳格吳

太朝公族鳩釐入右師酉立中廷王呼史穉門册命師酉司乃祖商官邑及虎臣西門節能節奉秉節京節界人節新錫女赤市朱黃中縣攸勒敬夙夜勿廢朕命師酉拜稽首對揚天子丕顯休命用作朕文考乙伯寃姬曾敦阮元

云古籍周王無適吳事此吳古虞字也又濤同治時山西代州出土有攻吳監一器案周無伐吳事而吳楚相攻不止一次此蓋楚器也文僅十三字周章卒子熊遂立

熊遂卒子柯相立柯相卒子彊鳩夷立彊鳩夷卒子餘橋

疑吾立餘橋疑吾卒子柯盧立柯盧卒子周繇立周繇卒

子屈羽立屈羽卒子夷吾立夷吾卒子禽處立禽處卒子

轉立轉卒子頗高立頗高卒子句卑立是時晉獻公滅周

北虞公以開晉伐虢也句卑卒子去齊立去齊卒子壽夢

立壽夢立而吳始益大稱王

以上史記吳太伯世家文按吳越春秋吳太伯傳則熊遂為二代

事皆當在

東周時矣

西周史徵卷三十一

世家第二

齊太公

太公望呂尚者

史記索隱引譙周曰姓姜名牙索隱又云按後文王得之渭濱云吾先君太公望子久矣故號太公望蓋牙是字尚是其名後武王號為師尚父則尚父官名梁玉繩史

記志疑卷十七云案孟子曰太公望則其名望審矣大明之詩曰維師尚父則尚是尊稱明矣惟尚是尊之故後世遂號曰呂尚而尚實非名史于世表作太公尚于世家作呂尚以望為號未免乖反而其字曰子牙或單呼牙詩疏

索隱唐宰相表載之以為名牙者妄也而路史後紀四作呂涓注引符子方外作太公涓尤妄案梁說是也

河內汲人

史記齊太公世家云東海上人非是案呂氏春秋當染首時諸篇注淮南子汜

論訓注水經注九均言太公是河內汲人路史注謂因孟子失之蓋誤以避居為其鄉也說甚是按汲在今河南汲縣治

其先祖嘗為四嶽佐禹平

水土甚有功虞夏之際封於呂或封於申

集解引徐廣曰呂在南陽宛縣西又索隱引地理志申在南陽

宛縣按宛縣在今河南南陽縣治

姓姜氏夏商之時申呂或封枝庶子孫或為庶

人尚其後苗裔也本姓姜氏從其封姓故曰呂尚

以上史記齊大世家文索隱

引譙周曰炎帝之裔伯夷之後掌四岳有功封之於呂子孫從其封姓呂尚其後也

呂尚蓋嘗窮困年老矣以魚釣為生

史記素隱引譙周曰呂望嘗屠牛於朝歌賣飯於孟津又史記齊太公世家云以魚釣好周西伯然太公就養西歸天下仰爲大老何云好也此皆戰國好事者之所造不足依信呂氏春秋時守篇謂太公聞文王賢故釣於渭以觀

之言尙近理然聖如文王太公當見之久矣何煩觀乎蓋太公窮困屠牛賣飯魚釣之事均皆有之然絕非奸西伯也說苑云呂望年七十釣於渭洛三日三夜魚無食者望即忿脫其衣冠上有農人者古之異人謂望曰子姑復釣

必細其綸芳其餌徐徐而投無令魚駭望如其言初下得鮒次得鯉刺魚腹得書書文曰呂望封於齊望知其異又御覽八十四引尙書緯帝命驗云季秋之月甲子赤爵衝丹書入鄴止昌戶其書曰敬勝怠者吉怠勝敬者滅義勝

欲者從欲勝義者凶昌拜稽首至于磻溪之水呂尙釣涯王下趣拜曰望公七年乃今見光景聞西伯善于斯答曰望釣得玉璜刻曰姬受命呂佐旌遂置車左王躬執驅號曰師尙父說尤怪誕不經

養老遂往歸之孟子離婁上云太公辟紂居東海之濱聞文王作興曰盍歸乎來吾聞西伯善養老者至太公歸周之時究年幾何其說不一有云八十遇文王者孔叢子記問篇及烈

女傳齊管妾婧是也有云七十者說苑尊賢篇後漢書文苑高彪傳是也有云七十二者荀子君道篇韓詩外傳四漢書東方朔傳是也有云九十者楚辭九辨是也說皆揣測之辭雖云老而歸周絕不至七八十也况九十乎至史

記齊太公世家謂太公歸周有三說西伯將出獵卜之曰所獲非龍非豸非熊非羆。今本史記作非虎非羆按章懷拙駟達旨注李善班固答賓戲注初學記六太平御覽八百三十一并引作非熊非羆故校改。所獲霸王之輔

於是周西伯獵果遇太公於渭之陽與語大悅曰自吾先君太公曰當有聖人適周以興子真是邪吾太公望子久矣故號之曰太公望載與俱歸立爲師或曰太公博聞嘗事紂紂無道去之游說諸侯無所遇而卒西歸周西伯或

曰呂尙處士隱海濱周西伯拘美里散宜生闕天素知而招呂尙呂尙亦曰吾聞西伯賢又善養老盍往焉三人者爲西伯求美女奇物獻之於紂以贖西伯西伯得以出反國案三說皆不經梁玉繩史記志疑卷十七云案太公組

紂安得預知呂尙而望之通志三王紀以爲誕慌蓋因呂尙佐周克商而詩又有太王翦商之語遂認爲斯論耳太公乃長老之稱當時以其年高德劭故以太公號之自望子之說與而宋書符瑞志載文王曰望公七年今見光景

遂變名爲望詩大明疏引雒帥謀曰望公七年尙立變名金石錄載晉太公碑謂文王夢天帝曰賜汝望是夜太公夢亦然其後文王見太公曰而名爲望乎答曰唯爲望遂言其夢與文王合並奇詭不足道也此第一說之謬也梁

氏又云案周初無游說之風而太公又豈游說之士明是戰國好事者爲之孫子用間云周之興也呂牙在殷鬼谷子午合云呂尙三入殷朝三款文王然後合於文王或之說本此太公避海濱安得入殷之事必因伊尹而影撰也

此第二說之謬也梁氏又云案依此說則是太公非身遇文王而閱散爲之介紹也豈其然乎况囚羑里之時太公猶未歸周也此本尙書大傳之謬說而增損之美女奇物之獻尤妄此第三說之謬也故取孟子之說 **文**

王曰吾欲用兵誰可伐密須氏疑於我可先往伐管叔曰

不可其君天下之明君也伐之不義太公望曰臣聞之先

王伐枉不伐順伐嶮不伐易伐過不伐不及文王曰善遂

伐密須氏滅之也 以上說苑指武篇文 故天下三分其二歸周者呂尙之

功居多 史記齊太公世家云天下三分其二歸周者太公之謀計居多又云周西伯昌之脫羑里歸與呂尙陰謀修德以傾商政其事多兵權與奇計故後世之言兵及周之陰權皆宗太公爲本謀史公一則

曰謀計再則曰陰謀奇計其說蓋出六韜。困學紀聞十一引葉石林說。路史發揮論太公云夫學訟而脫人之因與陰謀以傾人之國皆兵謀詭計出於後世所謂太公六韜書者其果信邪六韜之書願非必太公也班固述權

謀不見其書志雖有太公兵謀而乃列之道家儒家有六發六篇則又周中所作定襄時人或曰顯王之世故崇文自謂漢世無有今觀其言蓋雜出於春秋戰國兵家之說余自墨翟來以太公於文王爲午合而孫武之徒謂之用

問故權謀者每並緣以自見蓋以嘗職征伐故言兵者本之以為說騎戰之法著於武靈之伐而今書首列其說要之楚漢之際好事者之所撥豈其本哉六韜既不可據則申公權謀奇計之說妄矣武王卽

位九年欲修文王業東伐以觀諸侯集否師行師尙父左

杖黃鉞右把白旄以誓曰蒼兕蒼兕總爾衆庶與爾舟楫

後至者斬遂至盟津諸侯不期而會者八百按史記原文八百下有諸侯二字梁玉繩史記志疑

謂二字衍今從之諸侯皆曰紂可伐也武王曰未可還師居二年紂殺

王子比干囚箕子武王將伐紂卜龜兆不吉風雨暴至羣

公盡懼唯太公彊之勸武王武王於是遂行以上節史記齊太公世家文十一

年一月癸巳東伐紂紂自焚死參觀卷三武王本紀明日武王立于社羣

公奉明水衛康叔封布采席師尙父牽牲史佚策祝以告

神討紂之罪散鹿臺之錢發鉅橋之粟以振貧民封比干

墓釋箕子囚遷九鼎修周政與天下更始師尚父謀居多

於是武王已平商而王天下封師尚父於齊營邱營邱今地見武王本紀

東就國道宿行遲逆旅之人曰吾聞時難得而易失客寢

甚安殆非就國者也太公聞之夜衣而行犁明至國萊侯

來伐與之爭營邱營邱邊萊萊人夷也會紂之亂而周初

定未能集遠方是以與太公爭國太公至國修政因其俗

簡其禮通商工之業便魚鹽之利而人民多歸齊以上史記齊太公世家文案禮

記檀弓鄭注云太公受封留為太師則太公固與且夷同相周也故金滕稱二公此言就國或受封之始往治其國旋即反周也都營邱僖四年左氏傳管仲對楚人曰昔

伯女實征之以夾輔周室賜我先君履東至於海西至于河南至於穆陵北至於無棣史記齊太公世家亦本之謂齊由此得征伐為大國按大事表春秋海道論曰管仲對楚使齊地東至於海特誇言耳其時登萊二府尚有萊介

諸國與夷雜處至襄六年滅萊齊境始邊海而適召吳之寇閻若驥四書釋地又續曰南蓋太公之卒

百有餘年子丁公呂伋立

以上史記齊太公世家文集解駟案禮記曰太公封於營邱比及五世皆反葬於周鄭玄曰太公受封留為太師死葬於周五

世之後乃葬齊皇覽曰呂尚家在臨菑縣城南去縣十里附案通志氏族略云諡法雖始有周是時諸侯猶未能徧及齊五世後稱諡則知所謂丁公者長第之次也觀以下乙公等可知

成王崩丁

公適至周以二千戈虎賁百人逆王子釗於南門之外釗

立是為康王

書顧命曰王崩太保命仲桓南宮毛俾爰齊侯呂伋以二千戈虎賁百人逆子釗於南門之外延入翼室

丁公卒子乙公得

立乙公卒子癸公慈母立癸公卒子哀公不辰立哀公時

紀侯譖之周周烹哀公而立其弟靜是為胡公胡公徙都

薄姑

正義引括地志云薄姑城在青州博昌縣東北六十里案在今山東博興縣南

而當周夷王之時哀公之同母

少弟山怨胡公乃與其黨率營邱人襲攻殺胡公而自立

是為獻公獻公元年盡逐胡公子因徙薄姑都治臨菑九

年獻公卒子武公壽立武公九年周厲王出奔居彘十年

王室亂大臣行政號曰共和二十四年周宣王初立二十
六年武公卒子厲公無忌立厲公暴虐故胡公子復入齊
齊人欲立之乃與攻殺厲公胡公子亦戰死齊人乃立厲
公子赤爲君是爲文公而誅殺厲公者七十人文公十二
年卒子成公脫立成公九年卒子莊公購立莊公二十四
年犬戎殺幽王周東徙維

以上史記齊
太公世家文

[The main body of the page contains multiple vertical columns of text that are extremely faint and illegible due to fading or bleed-through. The text appears to be organized into approximately 12 columns within a rectangular frame.]

西周史徵卷三十二 世家第三

魯周公

周公旦者周武王弟也以上史記魯周公世家文幼受母教自少及長未嘗

見邪辟之事列女傳卷一太姒教誨十子自少及長未嘗見邪辟之事自文王在時且為子孝篤仁

異於羣兒以上史記魯周公世家文淮南子汜論訓周公事文王也行無專制事無由己身若不勝衣言若不出口有奉持於文王洞洞屬屬如將不能如恐失之可謂能子矣慎獨

恭儉淮南子繆繆訓周公慙乎景故君子慎其獨也荀子儒效篇引孔子之言曰周公其盛乎身貴而愈恭家富而愈儉勝敵而愈戒所交必賢呂氏春秋觀世篇引周公之言曰不

如吾者畢沅云舊本作吾不如者今從意林改正。吾不與處累我者也與我齊者吾不與處無益我者也惟賢者必與賢於己者處進修之念因之益高孟子離婁

下云周公思兼三王以施四事其有不合者仰而思之夜以繼日幸而得之坐以待旦其學出於文王魏叔子言曰文王我師也周公豈欺

我哉韓詩外傳五武王學乎太公周公學乎魏叔子白虎通辟雍周公師魏叔子蔡邕郭林宗碑王季之穆有魏叔者實有懿德文王咨焉魏叔蓋當時最有學識者及武王即位且

常輔翼武王用事居多武王九年武王將伐紂召太公望

而問之曰吾欲不戰而知勝不卜而知吉使非其人爲之有道乎太公對曰有道王得衆人之心以圖不道則不戰而知勝矣以賢伐不肖則不卜而知吉矣被害之我利之雖非吾民可得而使也武王曰善乃召周公而問焉曰天下之圖事者皆以殷爲天子以周爲諸侯以諸侯攻天子勝之有道乎周公對曰殷信天子周信諸侯則無勝之道矣何可攻乎武王忿然曰汝信有說乎周公對曰臣聞之攻禮者爲賊攻義者爲殘失其民制爲匹夫王攻其失民者又何攻天子乎武王曰善以上說苑指武篇文東伐至盟津周公輔行十一年伐紂至牧野周公佐武王破殷釋箕子之囚封紂

子武庚祿父使管叔蔡叔傅之以續殷祀徧封功臣同姓
戚者封周公旦於少昊之虛曲阜是爲魯公周公不就封
留佐武王武王克殷二年天下未集武王有疾不預羣臣
懼太公召公乃繆卜周公曰未可以戚我先王

以上節史記魯
二周公世家文

乃

爲壇告祖願代武王死王翼日乃瘞

見書金縢篇全文
已見武王本紀

其後武王

既崩成王少周公恐天下聞武王崩而畔周公乃攝行政

當國管叔及其羣弟流言於國曰周公將不利於孺子

史記
原文

爲成王今
改孺子

周公乃告太公望召公奭曰我之所以弗辟而攝行

政者恐天下畔周無以告我先王大王王季文王三王之
憂勞天下久矣於今而後成武王蚤終成王少將以成周

我所以為之若此於是卒相成王而使其子伯禽代就封

於魯周公戒伯禽曰我文王之子武王之弟今王之叔父

史記原文為成王說苑載周公戒伯禽語改作今王之叔父今依之我於天下亦不賤矣然我一沐三握髮

一飯三吐哺起以待士猶恐失天下之賢人子之魯慎無

以國驕人

以上史記魯周公世家文荀子堯問篇伯禽將歸於魯周公謂伯禽之傳曰汝將行盍志而子美德乎對曰其為人寬好自用以慎此三者其美德已周公曰嗚呼以人惡為美德乎君子好

以道德故其民歸道彼其寬也出無辨矣女又美之彼其好自用也是所以窶小也君子力如牛不與牛爭力走如馬不與馬爭走知如士不與士爭知彼爭者均者之氣也女又美之彼其慎也是其所以淺也聞之曰無越踰不見

士見士問曰無乃不察乎不聞即物少至少至則淺彼淺者賤人之道也女又美之吾語女我文王之為子武王之為弟成王之為叔父吾於天下不賤矣然而吾所執贊而見者十人還贊而相見者三十人貌執之士者自有餘人

欲言而請畢事者千有餘人於是吾僅得三士焉以正吾身以定天下吾所以得三士者亡於十人與三十人中乃在百人與千人之中故上士吾薄為之貌下士吾厚為之貌人人皆以我為越踰好士然故士至士至而後見物見

物然後知其是非之所在戒之哉女以魯國驕人幾矣說苑敬慎篇昔成王封周公周公辭不受乃封周公子伯禽於魯將解去周公戒之曰去矣子其無以魯國驕士矣我文王之子也武王之弟也今王之叔父也又相天子吾於

天下亦不輕矣然嘗一沐而三握髮一食而三吐哺猶恐失天下之士吾聞之曰德行廣大而守以恭者榮土地博裕而守以儉者安祿位尊盛而守以卑者貴人衆兵強而守以畏者勝聰明睿智而守以愚者益博聞多記而守以